

المشكال

س ۱ ۰ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفته لق مجموعة اسلاميه در
اتبعون اهدكم سبيل الرشاد

صاحب ومدير مسئول : ح . اشرف اديب

عدد ۳۷ - ۲۱۹ ۵ ذی الحجه ۱۳۳۰ پنجشنبه ۱ تشرين ثاني ۱۳۲۸ جلد ۲ - ۹

تشرین

بالقائل جهادی

— بوهفته بردوره توقف وانتظارله کچمشد —

۲۵ تشرین اول، پنجشنبه:

ادرنه قوای مدافعه سنک شانلی بر صورتده مدافعه ایله یکی و هجوم ایدن دشمنی تاروما را ایده رک پوسکور تدیکنه دائر رسمی بر خبر نشر اولنیور. باب عالیده صدر اعظم نزدنده عقد اجتماع ایدن امرای عسکرینه نک حربه دوام ایتمک اوزره قرار ویردکاری خبر آلیور. شرق مرتب اردوسی قوماندانی عبده پاشا بوکون استانبوله کلیور. خارجیه ناظرینک دعوتی اوزرینه بش دولت معظمه نک سفراسی بوکون باب عالییه کلیور لر. باب عالیدن عود تارنده هیئت سفرا آوستریا سفارتخانه سنده اجتماع ایدر لر. صدر اعظم طرفندن صورت رسمیه ده کندی لرینه مملکتک امن و آسایشی حقنده تأمینات ویریلیور. و بدخواهانه اراجیفه اهمیت ویرمه نک شایان تأسف اولدینی بیان اولنیور. فرانسه نک (لئون غامبه تا) زرهل قرووا زوری لیمانه مواصلت ایدیور، ۲۱ پاره طوب انداختیله رسم سلامی ایفا ایلیور. آلمانیا نک (وینه تا) قرووا زوری ده بوکون کلیور.

۲۶ تشرین اول، جمعه:

بوکونکی غزته لر متحده لسان مدافعه ملیه دن بحث ایدیور واهالی نک خجیت دینیه و ملیه سنی تحریک ایدیور لر. بوکون بر تبلیغات رسمیه ادرنه نک متانتی، ادرنه منطقه سنده مظفریاتک توالی ایتدیکنی ادرنه ولایتندن مقام سامی صدرته ۲۴ تشرین اول تاریخیه مورود تلغرافنامه یه استناداً اعلان ایدیور. مناسرت ولایتندن چکیلن دیگر بر تلغراف ده صورتوویچ حواله سنده صربلرله اولان مصادماتده عسکرلرمنک احراز موفقیت ایله یکنی اخبار ایلیور. ناظم پاشانک ۲۵ تشرین اول تاریخیه چکمش اولدینی دیگر بر تلغراف ده بردشمن سواری کشف بلوکنک تکفور طاغنه آلتی کیلو مترو مسافده ده کوریلرله قوای عسکرینه من طرفندن طرد اولوندینی بیلدیریلیور. بوکون دخی باب عالیده امرای عسکرینه دن مرکب بر انجمن فوق العاده عقد اولنیور. ایتالیا باندره سنی حامل (آمانوئل فیلیپرتو) نام زرهل ایله آوستریا باندره لی (آسپرین) نام زرهل قرووا زورلری ده بوکون لیمانه کلیور لر. بوکون موقع حربده اسیر دوشن دشمنلردن بر قسمی درسه عاده کتیریلیور. بر چوق روسیه مسلمان کولکلیری سیواستوپولدن واپورله شهر منزه کلیور، طوغریجه حربه نظارتنه مراجعت ایلیور لر.

۲۷ تشرین اول، جمعه ایرتسی:

ادرنه دن ینه مظفریت خبرلری کلیور. ادرنه والیسندن مقام صدرته کلن رسمی تلغرافلرده: «ادرنه مواقع مستحکمه سنک غرب جبهه سیله ماراش منطقه سنده ۲۵ تشرین اول صبح وسطی ساعت سکزدن آقشام ساعت یدیییه قدر دوام ایدن محاربه یارم ساعت فاصله یی متعاقب بتکرار باشلا یوب کیجه صبحه قدر ۲۶ تشرین اولده دخی بوتون کون کمال شدتله دوام ایتدیکنی و ماراشده عساکر عثمانیه نک سونکی هجوملرینه دشمنک مقاومت ایده میوب تلفات کلیه ویردکن صوکره بر حال پریشانیده رجعت ایله یکنی، دشمندن یوزلرجه مانلیر تفشکی ایله برخیلی جیخانه اغتنام اولوندینی؛ غرب جبهه سنده ده شدتلی طوب آلتشی دشمن بطاریه لرینی سکوته مجبور ایتدیکی، جنوب جهته ده دخی دشمنک تلفات کثیره ایله پوسکور دلدی و بو ۳۹ ساعتک قانلی محاربه نک جدأ و حقیقه عثمانلی تاریخنه زیب آور اوله جتی درجه ده پارلاق مظفریا تله نتیجه لندیکی» بشیر اولنیور. رجال عسکریه بوکون ده باب عالیده اجتماع ایدیور لر.

واجبی ده اسقاط ایتمک نیتیه مقدم اولان فرضی ایفا ایچون تدارک ایده بیلدیکنز ایکی قربان بدلی اولان ایکی بچق لیرای اعانه جهادیه اولمق اوزره حربه نظارتنه تسلیم ایتدک. زمان واحوال مناسبیله اجتهاد منزه پک چوق اخوانک اشتراکنه امیدوارز.

رفیقه سی
نزهت
مشفاعه دیندن
محی الدین

مطبوعات

ایلم قازمه نی پادشاهمن اورملی!

مرافعه ملیه مسندسی

استنبول مطبوعاتک اکثریت عظیمه سی بر قاق کوندیری «مدافعه ملیه» تشکیلاتسندن بحث ایتمکده اولدقلری جهته بوخصوص طفره لرده دخی پک بویوک بر خواهش او یاندیرمش و بویله بر تشکیلات وقوعنده شهر من و جوار قصبات وقرادن دخی پک چوق کیمسه لرک نقدأ وبدأ هان بواصر عظیمه اشتراک ایده جکاری کورلمکده بولومشد.

اوروپاده بر مؤسسه عالییه نک وضع اساسنده حاضر بولونان قرالارک، ایمپراطورلرک ایلمک تلیرینک قازمه سنی کندی اللریله اوردقلری دائما کورولور. سوکیلی خلیفه منک قوماندان اعظم أفندمن حضر تلیرینک دخی بوتون وطنک مدافعه، حیات و ممانته تعلق ایدن شومسئله ده تأسیس ایله جک خطوط مدافعه استحکاماتک ایلمک قازمه سی یدمؤید هایونه اورولدینی کونک هفته سنه قالماز چتالجه دن بش قات م تحکم مواقع هان انشا اولومش کوریه جکدر. شهریار عالیبتار افندمن ایسه سن شاهانه لرینک عدم م اعده سنه مبنی میدان حربه کیده مدیرسه بواصر مهم و عظیمی ایفا بویوره جقلرنده اصلاحیه و ترددمن یوتدر. ایش بورایه کلدیده بوشکله کیردی؟ استانبول سورلری خارجنده کندی ارزاقیه چالینه جق یوز بیکارجه خلق موجود اوله جقدر.

استانبول مطبوعاتنه قارشى نصیحت ویرمک حد من دکدر. عجبا محاربه تارنجندن اعتباراً تعقیب ایله جک خط حرکت حقنده استانبول مطبوعات ارکانی بیننده اولسون مذاکره ایتدیلریم؟ شبهه سزکه خایر! ..

بویله آجی و تاریخی دقیقه لر کچیردیکم زمانده خلقک الک زیاده قوه معنویه سنه خدمت ایده جک مطبوعاتدر. مطبوعات ارکانی دیدیکم کبی بر کره طویلانسه ایدی؛ تعقیب ایله جک خطوط حرکتی تعیین ایتسه ایدی؛ شیمدی یه قدر یکدیگرینه مباین نشریات وحوادثله خلقی بودرجه لره قدر سقوط خیاله اوغرا تملزلردی!

هیات! ... که اونلر آره سنده ده الا آن بر اتحاد کوریه میور؛ حالا یکدیگرینک باجانه ایپ طاقدن، یالانلری ده له کدن، بربرلینه حسد ایتکدن اصلاً خالی قالمایور لر!

بوکون بالاتحاد ذات حضرت پادشاهی یی، عرض ایتدیکم مدافعه ملیه مسئله سنه متفقاً بر دعوت، و بوکا موفقیت؛ دنیای بر پادشاهلغه آز کورهن خاقانلر منک قبرلرینی، امانات پیغمبری یی محتوی اولان مقامات مقدسه نک قاپیلرینی بلغار چیزمه لرله چکنتمه مه که سبب اولور. ومن الله التوفیق

«آناطولی سسلری»

۲۸ تشرین اول ، بازار :

بوکونی غزته لرله حکومت طرفندن « عساکر عثمانیه نك چتالجه خط مدافعه سنه چكيلمك لزومنی حس ايله اوراده اكالم تحشيدات ايتكمده بولونديغنی و بونك پايتخت قاپوسی اوكننده بر محاربه بولاجقندن عبارت اولدينی و بوسو رتله دهه هيجان و خلع جانلره سببت ويره بيله چكي نظر اعتباره آلنه رق هر درلو وقايعك اوكي آلتق اوزره تدابير ضابطه و سياسيه اتخاذ ايدلديكي » بيان ايدلگدن صوكره ، آسایش مملكتی اخلاص ايتك قصديله بدخواهانه شایعه لر نشر ایدن فسادك شدتلی مجازاته دوچار ایدیلجه چکی رسماً تبلیغ اولنیور و « حکومت حاضره نك استناد ايتديكي سلامت وطن امل مله سندن اخذ قوتله و فعالیت عظیمه ايله حرگته عازم و هر درلو تردددن سالم » اولدينی اعلان اولنیور . باب مشيختدن دخی چتالجه ده اجتماع ايتكمده بولنان افراد عسكریه به آكلایه جقلى ان ايله نصايح لازمه ومؤثره ايفاسيله اردوی هايونك تقوية معنویاتی و افراك تزايد شوق و غیرتلى ایچون علمادن یوز قدر نطوق و نافذ الکلم ذواتك خادم کوينه اعزاملى هیئت عسكریه چه بالاتخاذ ، مجلس و كلاجه تنسیب اولنان قرار اقتضاسدن اولدينی وجهله باب فتواجه در سعادتده کی مدرسین کرام ايله رجال علمیه دن اوصاف مذکوریه یی جامع ذواتك اردوی هايون قرارگاهنه عازم اوله جقلى اعلان اولنیور . علمای مشارالیه من الی ذات بوکون قرارگاهه کیدیورلر . میدان حربدن پیدری در سعادت کلم مهاجرین آراسنده قولرا خسته لنى وقوع بولدیغندن بوکوندن اعتباراً پايتخت قولرالی اعلان ایدیلرک تدابير صحیه به توسل اولنیور . بوکون ده دول معظمه سفراسی آوستریا سفارتخانه سنده اجتماع ایدیورلر . اعیانندن مشیر فؤاد پاشا ، بحری وولى پاشا لر چتالجه به عزیمت ایدیورلر .

۲۹ تشرین اول ، بازار ابرسی :

تکفور طاغی جوارنده دشمنك بر بطاریه سی دونماتك طوب آتشيله محو و پریشان ایدلديكي دونما قوماندانلغندن بیلدیرلیور . چتالجه به عزیمت ایتش اولان هیئت عسکریه و اعیان در سعادتده دونه رك حال اجتماعده بولنان هیئت و كلايه داخل اولیور . حال و موقع و وضعیت حربیه حقنده ایضاحات و معلومات ویریورلر . بوکون متارکه عقد اولنه جق دیه بر شایعه دوران ایدیورسه ده اصلن اولدينی معلوم اولیور .

۳۰ - ۳۱ صالی ، جمره منبر :

سلانیک والیسی در سعادتده حرکت ایدیور . روم ایلی حقنده بر جوق خصوصی خبرلر آلنیور . فقط غزته لرده بوبابده یرشی مندرج دکلدنر . هر کس حیرت و انتظار ایچنده در . بتون امیدلر اللهه ، چتالجه اردوسنه قالمشدر .

عالم اسلامده تظاهرات

ايرانیو آراسنده :

تجار و تبعه ایرانیه دن مرکب تشکیل ایدن قومیسون واسطه سیله مجروحین غزاة عثمانی ایچون اعانه جمع ایدلگده اولدیغنی اولجه یازمش ایدک . ایران سفیر کبری احتشام السلطنه میرزا محمود خان حضرتلری ولایات شاهانه کارپردازلرینه دخی تلغرافنامه لر کشیده سیله اورالرده مقیم تبعه ایرانیه چه ده اعانه جمع ایدلگنی اشعار و قویاً توصیه بیوردقلرندن بصره ده مقیم تبعه ایرانیه دن در حال آلتش عثمانی لیراسی جمع و شهر مذکورده مقیم هلال احمر جمعیت محترمه سنه تودیع قلندیغنی بصره باش کارپردازلغندن سفارت کبرایه وارد اولان تلغرافنامه ده بیلدیرلیور .

ایران سفیر کبری احتشام السلطنه میرزا محمود خان حضرتلری نجشینه کونی ایران مظفریه خسته خانه سنه عزیمتله تداوی ایدلگده اولان مجروحین غزاة عثمانیه یی زیارت و بالعموم مجروحینک خاطرلرینی استفسارله وطن مقدسلی

حقنده ایفا ایلدکلی خدمات مفتخره عسکریه لرینی تبریک و شکرله و سیفاره لر توزیعله جمله سنی تلطیف بیورمشلردر .

هندستانده :

تایمس غزته سنك قولومبو مخاری سیلان اهالی اسلامیه سنك محاربه حاضره مناسبیله بیوک بر متینغ عقد ایدرک پینلرنده هلال احمر جمعیتی ایچون اون بیک رویه اعانه طوبلادقلرینی یازیور .

پشاور علماسی محلی جامعشریفنده محاربه حاضرده عثمانی اردوسنك احراز مظفریت ایتسی ایچون ادعیه مأثوره تلاوت ایلشلردر . بعده بیوک بر متینغ عقد اولنه رق بر هلال احمر هیئت تشکیل ایچون ایجاب ایدن تدابیره توسل ایدلشدر . بوندن کلکته ده دخی اهالی اسلامیه هلال احمر ایچون شمدی به قدر اون بیک رویه اعانه ویرمشدر . بزقاج کونه قدر مبلغ مذکورک قات قات تزايد ایده چکی شبهه سزدر . الیوم بتون هند اهالی اسلامیه سی بالفان محاربه سنك بتون صفحاتی کمال دقتله تعقیب ایتکده در .

قاراشی اهالی اسلامیه سی دخی عین کونده ایکی مختلف نقطه ده متینغ عقد ایدرک محاربه حاضره مناسبیله دولت عثمانیه حقنده توجیبات صمیمانه اظهار ایتشدر و بعده عثمانی سلاحلرینك مظفر اولسی ایچون دعالر تلاوت ایلشلردر . متعاقباً هلال احمر ایچون اعانه جمعنه باشلانیش ، ۱۶۸۵ رویه طوبلانمشدر . بو ائشاده یدی یاشنده بر قزجغز پارمغنده کی یوزوکی چیقاره رق هلال احمره اهدا ایتشدر .

انگلندده :

مانچستر شهبندرلکندن کلن خصوصی بر مکتوبدن مقتبس : « مانچستر شهبندرخانه سی الك مشغول زیارتچیلری الك جوق برداره دز . دون غایت علوی بر حال قارشوسنده بولندم .

صباح شهبندرخانه به کلکده اختیار پڑمده قیافتلی یورغون بر عربک مردیون اوزرنده اوطورمش ، بکا انتظار ایلکده اولدیغنی کوردم ، بن وطنه اعاده ایچون کلش بر عرب ظن ایتدم . اون میل اوتهدن ماشیاً مانچستره کلن بو بیر محترم آلننک تری ايله قرانمش ، اقتصاد ایتش اولدیغنی ایکی انگلیز آلنوتی بکا اوزاتدی و هلال احمره کوندرمکلکمی رجا ایتدی . هویتتی تحقیق ایتدم . هندستانی بر مسلمان ایش ...

اختیار ، خلیفه معظم پادشاهمنز افندیوز حضرتلرینه دعالر ایلکده و مملکتیزک سلامتتی بتون صافیت وجدانیه سیله منی ایتکه باشلامشدر . بو هندلی مسلماننک متمام خلافته قارشی بسلامکده اولدیغنی حسن مربوطیت و ابراز ایتدیکی حمیت قارشیسنده بر قاج قبطره ممنونیت یاشلری دوکدم .

روسیاده :

روسیه مسلمانلرندن یوزی متجاوز مجاهد بالفانلر حربنه اشتراك ایتك اوزره کوکالی اوله رق جمع کونی سیواس-توپولدن واپورله شهرمنه کلوب ، طوغریجه حربیه نظارتنه مراجعت ایلشلردر .

قزاقلارده :

حمیتلی خاربین مسلمانلری کچلرده طرابلس غرب محاربه سنه اعانه اولق اوزره ۲۰۰ روبله کوندرمشلردی . بوکرده خاربینک کنج ، منور علماسندن امام عنایت افندی و طاغستانی سید طاهر افندی حضراتنک ترغیبات دیا . تیرورانه لری نتیجه سی اوله رق ۶۰۰ روبله جمع ایله یینه طرابلس غرب محاربلرینه یاخود دیگر موافق بر محله صرف اولمق اوزره استانبوله کوندرمشدر . مبلغ مذکورک بصره ده الك موافق محل صرفی روم ایلی مهاجرین اسلامیه سی اعانه قومیسوننه ویرمک اولدیغنی دوشونیلرک ، شهر امانتنده منعقد مذکور قومیسون وزنه سنه تودیع و مقبوضی بالاخذ خاربینه ارسال اولونمشدر .

ذبح قربان حقنده

« اضحیه ده واجب اولان اراقه دم اولوب بوده خاص حقاه اولدیغنی